

сладъкими\* и со многими питьями разноутворенными,\* вся бо сия радость маловременная,\* во время смертное без ползы оставляють<sup>ц</sup> насъ,\* но токмо грѣхи налагають\* и душам нашимъ муку вѣчную исходатайствуютъ,\* еяже избави насъ, Христе Боже,\* за молитвъ Пречистыя своя Матери,\* чюдныя Царицы Владычицы нашея Богородицы\* и Приснодевы Марии,\* и всѣх ради святыхъ своихъ,\* иже от вѣка угодившихъ тебѣ.\* //

Блаженъ иже не уповая на суету мира сего,\* <sup>л. 45 об. <28 об.></sup> <sup>ц</sup>но стяжавъ<sup>ш</sup> себѣ избавителя крѣпкаго и помощника непобѣдимаго, всемогущаго<sup>ш</sup> Бога нашего.\* Той бо от всякие напасти и скорби свободить и вѣчныя муки избавить\* и Царствию своему Небесному сподобить\* со архангелы и ангелы присно радоватися\* и со всеми святыми\* въ безконечныя вѣки веселитися,\* всегда и нынѣ и присно\* и во вѣки вѣкомъ. Аминь. //

Покаяненъ о еже всуе мятется всякъ человекъ живой. <sup>л. 46 <29></sup>  
Подобен: Егда от древа ты

Воистинну убо, братие,\* блаженный Давыдъ, царь и пророкъ,\* сице рече,\* еже всуе мятется всякъ человекъ живой:\* сокровищуетъ — и невѣсть кому собираетъ я,\* саномъ и честию возносятся,\* богатствомъ и славою яко бурей возимается\* — и аки прахъ на землю падаетъ\* и без вѣсти бываетъ,\* и вся, яже имѣя здѣ на земли, оставляетъ\*.

О, многострастная и окаянная душе моя,\* воспрями и умилися,\* доколѣ ти смертный часъ не приспѣ, покайся,\* вниди во свою совѣсть\* и разсуди краткость и непостоянство\* // окаяннаго мира сего.\*

Что бо есть постоя<sup>н</sup>но?\* Богат<sup>в</sup>ство ли?\* Но нѣсть постоянно,\* во время люто не <sup>л. 46 об. <29 об.></sup> <sup>ц</sup>помилу<sup>е</sup>тъ тя\* и въ день, в онъ же умирати начнеши,\* от смерти не избавить тя,\* но яко нѣкоего странника\* во время смертное\* извержетъ тя за врата дому твоего нага суща.\* Люто бо есть богатство и немилосердная вещь,\* зане ничтоже ми на путь даруетъ,\* но токмо едино худое рубище и трилакотный гробъ,\* в немъже имамъ <sup>ю</sup>селитву<sup>а</sup> имѣти\* до втораго и страшнаго Христова пришествия.\*

В лѣпоту убо, братие, пророкъ Давыдъ\* окаяннѣствуетъ миръ сей,\* еже всякъ человекъ\* всуе мятется и смущается.\* И море убо возмущается\* — и паки уставляется,\* и земля колеблется\* — и паки утверждается,\* а лихоимецъ смущаясь,\* богатство собирая, грабя и насилуя,\* никогдаже уставляется, ни утверждается.\* Зефирь<sup>II,а</sup>, дыхая, укрощается и молчитъ,\* а лихоимецъ — николиже,\* дондеже смерть его похититъ;\* тогда убо укротится\* и тогда умолкнетъ.\*

О, горе и лють бу<sup>л</sup>дет на Страшномъ Судѣ\* несотворшимъ милости здѣ!\* <sup>л. 47 <30></sup>  
Слышасте ли самого Господа, глаголюща:\* «Алчна мя не накормите,\* и жадна не напоите<sup>б</sup>, нага не одѣясте,\* и в темнице бѣх, — не приидосте ко мнѣ,\* и болна мя не посетисте».\* Горе убо намъ, кий отвѣтъ сотворимъ тогда!\* Рабов своихъ милуемъ,\* о скотѣхъ промышляемъ и о псахъ печемся,\* а Христа, за враты стояща, презираемъ!\*

О, богате, безчеловѣчне и немилосерде,\* иже всю вселенную питай\* просить у тебе единого преломка хлѣба,\* и всю тварь напоаяй\* жаждетъ у тебе единыя чаши студеныя воды,\* небо покрываяй облаки\* хошетъ у тебе единого ху-

<sup>ц</sup> Испр. почерком основного текста из оставляютъ, над словом киноварью вля. <sup>ч-ш</sup> Написано иным почерком на реставрированной бумаге. <sup>ш</sup> Испр. почерком основного текста киноварью над строкой, было всемогущаго. <sup>б-б</sup> Написано иным почерком на реставрированной бумаге. <sup>б-з</sup> Написано иным почерком на реставрированной бумаге. <sup>ю-а</sup> Дописано киноварью почерком основного текста на поле.

<sup>II,а</sup> Над этим словом киноварью почерком основного текста вѣтръ. <sup>б</sup> Написано киноварью почерком основного текста над зачеркнутым киноварью не накормите.